




頤素堂叢書初編

亨

保	永	孫	子
百	藏	雲	共
六	書	煙	四
十	記	家	卷
九			
番			

1	曾
369	
2	



紫荊花院排律



紫荊花院排律

吳郡顧祿總之

卷一目錄

且向百花頭上開

桃葉渡江

與君約略說杭州

馮煖彈鋏

蜀王衍贈妝鏡

悶尋鸚鵡說無聊

張京兆畫眉

宋子京脩新唐書

明妃出塞

故人家在桃花岸

蘇秦刺股

鍾子期聽琴

楚王爲穆生設醴

易水送荆卿

伍子胥乞食吳市

乳燕

臨卽市文君當鑪

白香山遣楊枝

綠柳纔黃半未勻

角黍

陶淵明北窗下臥

王右軍題扇

黃金小屋隱儲君

擲米成珠

嚴君平成都賣卜

斲梓染絲

蘇子瞻赤壁後遊

雪花大如手

清風明月

畫孝友傳

詩雜仙心

一簾風絮

一望雲山繞淮甸

團扇

樵者觀棋

房馬

秦廷返璧

筆陣

江聲枕上聽潮頭

山好更宜餘積雪

紫荊花院排律卷一

吳郡顧祿總之

且向百花頭上開

署得頭銜貴梅開百卉先安排賢宰相統攝衆神
仙修到前生福探來最上巔寒香飄此地芳訊報
今年標格超紅紫清華罩萬千東皇推領袖南嶺
許儕肩林任蜂衙鬧班應鶴禁聯和羹甌預卜姓
氏寫雲箋



桃葉渡江
此是銷魂處。王郎舊駐車。江頭桃葉渡。人面柳枝
遮。春雨相思淚。秋波臨去槎。兩情深似海。一貌艷
如花。惜別遲雙槳。分歧誤幾叉。莫愁行路苦。無恙
挂帆斜。悵對長堤遠。迎須短棹賒。者回重把袂。夾
岸漲晴霞。

與君約略說杭州

欲說杭州勝。君先約略猜。湖山耽夙癖。文字作良

媒。佳境人爭艷。清談我屢陪。柳隄新畫稿。花港舊
樓臺。放鶴如畱約。騎驢莫遽回。披襟猶漬酒。剪燭
肯成灰。結社時能憶。聯吟孰與催。韜光凌絕頂。一
綫海潮來。

馮煖彈鋏

錯認無能輩。來充寄食名。淬鋒彈再鼓。撫鋏假之
鳴。問客心何好。知公意未平。侯鯖容我饜。盜狗笑
夫倉。出匣龍泉嘯。連城兔窟營。徧游資孝養。市義

博仁聲重以乘車禮。抒茲倚柱情。君門矜絕調。休矣慰先生。

蜀王衍贈妝鏡

珍重香奩贈君王。醉眼迷。深情畱鏡約。小別倩銘題。彩舞千年鳳。靈通一點犀。照心爭照臉。雙笑怕雙啼。寫翠傳紅慣。綺窗繡幌低。非秋菱絡索。無恨月玻瓈。鉛影埋黃草。銅腥蝕碧泥。拾來重拂拭。憑弔夕陽西。

悶尋鸚鵡說無聊

鎮日調鸚鵡。雙扉畫閣深。無聊閒與說。有伴悶來尋。舊事情教訴。新詩細學吟。雪衣分月色。紅豆記花陰。黯黯歸思切。喃喃昵語沉。湘簾閒玉局。綺院靜瑤琴。話夢靈猶昔。含情蓄到今。鏡臺人背立。解意誦多心。

張京兆畫眉

侵曉橫春色。偷從鏡裏窺。悄拈京兆筆。親畫細君眉。

眉曲曲蛾雙道纖纖兔一枝螺奩調黛早燕寢熟
香遲舊夢花生後新弦月上時問郎深淺慣修史
短長知掃倩含毫戲齊還舉案思簪來題五鳳餘
瀋尙凝脂

宋子京修新唐書

書紀新唐號人推小宋修薇垣初奉詔蓮漏數添
籌綠字銀檠朗蓬池玉笈抽燃藜今日日鬪杏昔
風流劉本多乖誤吳編待校讎英華咀史漢褒貶

例春秋手錄紛披列眉詮次第搜夜寒添半臂呵
筆撥香篝

明妃出塞

雁塞停征騎蛾眉插寶鞍安閒諸甲士辛苦一宮
娃血淚襟前漬冰弦馬上排雕鞍扶艷質寒角咽
酸懷行路悲歌苦思鄉綺夢乖何年歸故土有恨
逐天涯計失黃金賂香燐紫冢埋玉關今夜月回
首黯烟霾

故人家在桃花岸

近水幽居隔蒨扉。兩扇關前村。桃灼灼。夾岸浪潺湲。潺湲放棹春三日。沿門漲半灣。無言人面映。有約渡頭還。積舍三弓窄。霞林一抹環。魚吞紅影裏。犬吠碧波間。此外仙山接。其中雜樹刪。香風吹滿路。把袂話偏慳。

蘇秦刺股

志氣君何銳。錐曾夜午拈。欲眠將股刺。自勵此心

潛燭屢燒紅。蠟鄉還謝黑。甜櫻鋒舒。夙憤流血忍。寒銛脫也囊。猶處鑽之力。益兼人誰關。痛癢我已獲。韜鈴抵掌今。華屋埋頭昔。短檐腰金歸。里後塵世閱涼炎。

鍾子期聽琴

縱棹隨風去。琴聲遞水灣。伊人操調遠。有客會心間。雁叫平沙落。鴻飛碧海還。手揮兼目送。流水又高山。俯仰桐三尺。空明月半彎。子懷方唱歎。之子

自幽間一闕知音遇。千秋識曲慳。移情深結契。雅韻出塵寰。

楚王爲穆生設醴

甘醴因誰設。高情說楚王。好賢渾若渴。每食總難忘。頻酌椒花醕。先儲麴蘖香。書淫原飽腹。酒聖笑枯腸。卯醉先生未寅。恭弟子將君寧。疎一獻臣必侍。三行量不容。蕉葉筵常列。桂漿主賓真。款洽雅誼寓壺觴。

易水送荆卿

淚向臨歧灑。瀟瀟易水寒。誰人身許國。一怒髮衝冠。明日長征苦。今宵祖帳歡。悲歌酣席上。素服哭江干。七首鋒磨銳。函頭血濺酸。匹夫難了事。此酒敢輕乾。中柱謀何拙。提囊禍已寬。英雄徒爾爾。奚以報燕丹。

伍子胥乞食吳市

行乞姑胥市。寒簫咽晚風。哀音流竹孔。偷渡喚蘆

中。枵。腹。長。途。鼓。饑。腸。暮。夜。充。浴。門。儕。僕。隸。載。橐。溷。
英。雄。無。奈。嗟。來。食。伊。誰。歎。固。窮。餘。生。排。軼。軻。短。夢。
警。樊。籠。荆。楚。難。忘。憾。勾。吳。此。創。功。他。年。鐘。鼎。奉。回。
首。恨。匆。匆。

乳燕

初。嚙。香。巢。燕。花。均。護。一。叢。泥。銜。猶。怯。雨。翅。掠。不。禁。
風。夢。試。烏。衣。穩。雛。攜。黃。口。工。翻。飛。嬾。上。下。絮。語。學。
玲。瓏。半。翦。微。分。翠。雙。襟。小。刷。紅。海。棠。新。院。落。楊。柳。

舊。簾。櫳。呼。母。窺。檐。角。依。人。入。戶。中。杏。林。春。意。鬧。轉。
瞬。羽。毛。豐。

臨邛市文君當鑪

客。是。題。橋。者。曾。停。市。上。車。當。鑪。琴。暫。住。築。舍。酒。堪。
賒。翠。袖。雙。彎。窄。青。旗。一。角。遮。甕。香。浮。竹。葉。人。面。映。
撞。花。拚。典。鷓。裘。貫。羞。穿。犢。禪。嗟。錦。江。新。眷。屬。富。水。
艷。生。涯。不。老。春。畱。色。尋。芳。路。幾。叉。白。頭。吟。莫。作。指。
點。舊。鄰。家。

白香山遣楊枝

鎮日愁無奈。臨歧遣翠鬟。絮飛前夜夢。匏繫此官閒。笛聽迴波送。珠畱合浦還。清吟詩社餞。別淚酒襟潛。懊惱知何計。情懷老合刪。渡憐桃葉喚。人憶柳枝攀。隄畔風千縷。帆邊月一彎。永豐坊外客。猶話老香山。

綠柳纒黃半未勻

一半勻黃嫩。東風茁柳芽。眼垂青不了。眉展綠初

纒。色倩鴉襟潤。痕隨馬埒來。三分迷渡口。幾縷挂江隈。翠黛添濃淡。金絲費剪裁。鶯梭拋院落。鵝羽浴池臺。細浪牽芳荇。斜陽襯繡苔。淺深渾未辨。好借染衣猜。

角黍

黍熟黏爲糗。精良試食之。綠菰包粒粒。金縷繫絲絲。一束纏來巧。三隅裏作奇。誰嫌圭影露。只覺箬香滋。汨水投何古。交州餉或宜。豐年前度慶。益智

舊名馳芒刺符菱角勻圓異秤鮓榴花明照眼午
節門新時

陶淵明北窗下臥

生怕喧車馬窗虛近北堂折腰辭墨綬高枕熟黃
梁栗里眠雲穩松櫺背日涼此間資偃仰一味傲
羲皇柳拓三弓榭藤安六尺牀南薰延後院西照
挂斜廊冬入梅橫月秋深菊綴霜吾廬欣自得佳
趣說甜鄉

王右軍題扇

綠水紅橋外風流晉代聞扇曾題六角筆亦掃千
軍鵝換非經卷鴉塗豈練裙招涼攜竹素入手走
煙雲虎臥龍跳迅虹腰雁齒分百錢求善價五字
購新文脩襖懷前度工書冠後羣重來嗤老姥一
笑置云云

黃金小屋隱儲君

小築黃金屋昭明此隱居及山新藝圃長水昔僧

紫荆在院掛
廬從學遊千里。珍藏富五車。英奇梁帝子。風雅沈
中書。鳩聚春星夜。龍潛少海初。雲泉隨展拓。金粉
儘消除。韻譜青宮協。園畱綠蔭疎。文章精妙選。百
代冠元儲。

擲米成珠

一擲滄波粟。回頭變相殊。散花真妙手。隨地拾明
珠。沙礫綠俱淨。神仙富不輸。黃梁辭大夢。多寶問
香廚。拋去釘千顆。光紛座四隅。麾肱看鳥爪。遺穗

卽龍鬚。世界銀成闕。形蹤烏化鳧。漫尋仙子跡。佳
話記吳都。

嚴君平成都賣卜

小隱成都市。生涯客不嫌。布錢來問卜。當晝正垂
簾。玉管頻頻判。銀箸細細拈。科名蓉鏡卜。晴雨穀
田占。夾路橦花艷。標門草價廉。濟人同賣藥。沽酒
偶挑帘。龜灼重爻伏。貌焚百和添。黃庭攤一卷。遲
月上茆檐。

斲梓染絲

制作推能事。論功重厥初。呈材文梓竝。備用色絲。
如彫斲程工。裕光華點染。餘道因遊刃。得語豈出。
藍虛貴品。梁棲燕奇思。錦濯魚琢來。成句巧摛處。
患詞疎意匠。規模具心花。爛漫舒彥和。傳至喻涉。
筆憶嘉譽。

蘇子瞻赤壁後遊

健步躡峯頭。坡仙後夜遊。黃州歸日寓。赤壁者般。

秋○佳○客○歌○相○答○深○閨○酒○預○謀○得○魚○欣○網○舉○踞○虎○怯○
衣○摳○山○影○連○天○合○江○聲○繞○岸○流○煙○荒○千○尺○斷○月○小○
一○丸○雷○寥○寂○孤○飛○鶴○楂○枒○半○老○虬○劃○然○風○水○湧○長○
嘯○返○登○舟○

雪花大如手

妙○得○空○空○戲○開○簾○雪○滿○庭○糝○來○花○皎○潔○大○似○手○瓏○
玲○捉○絮○全○搓○白○拏○雲○忽○捲○青○麻○姑○舒○鳥○爪○天○女○挈○
霓○瓶○仙○掌○飛○瓊○影○祇○園○散○蔔○馨○指○揮○漁○戴○笠○扶○助○

鶴梳翎窗紙彈能破扉柴叩不停何曾持寸鐵寒
陣戰蒼冥

清風明月

聲色本超然江山悟夙緣清宣風拂水明愛月當
天宦橐攜雙袖樵燈擔牛肩等閒人面識知己此
身前竹外搖痕碎杯中對影圓平章詩有賈消受
福無邊只合談今夕何曾買一錢胸懷添曠朗舒
嘯傲神仙

畫孝友傳

孝友天倫重諸生慎梓桑賢名推刺史逸傳畫公
堂淡寫梅冬實新描鴈齒行傳神萊綵舞沒骨謝
庭芳陸橘紗籠映田荆粉本藏丹青存一代事跡
記三唐妙腕分橋梓靈心繪棣棠爾民能效法留
影莫遺忘

詩雜仙心

吐鳳才稱雋雕龍語善詮經原堪証佛詩已欲遊

步并花院排律
仙如此吟心印因之妙諦宣霓裳曾並咏風骨定
高。騫。食。葉。蠶。聲。亂。生。花。蝶。夢。圓。青。雲。千。日。後。明。月。
悟。身。前。玉。屑。霏。三。島。珠。璣。落。九。天。彥。和。參。慧。解。句。
豈。雜。塵。緣。

一簾風絮

未化浮萍去因風撲畫檐漫天看落絮市地正垂
簾一桁波微漾千絲影欲黏飛團銀蒜重舞蹴玉
鉤尖晴日橋邊路香塵陌上帘啼雞沉永巷歸燕

遲香奩小苑梨雲隔遙邨麥浪兼牕前人寂坐芳
緒爲誰添

一望雲山繞淮甸

一望南淮甸蒼茫隔遠山白雲堆滿目碧樹繞重
巒。老。祖。峰。前。住。仙。人。洞。裏。還。分。明。千。嶂。壁。掩。映。百。
城。關。霧。影。長。江。外。嵐。光。夕。照。間。萬。家。烟。竈。黑。一。色。
寺。門。殷。波。撼。黃。河。岼。霞。蒸。鐵。柱。鸞。劉。伶。臺。下。過。何。
處。覓。仙。寰。

團扇

精製班姬扇。傳留宋內官。滿懷風習習。一握月團團。
團入袖涼颺。細開簾冷露溥。記會裁曾縞。商畧檢
齊紈。小院流螢撲。幽庭舞蝶搏。花簪銀茉莉。人倚
玉闌干。秋至含情怯。暑歸障面寒。吳中多韻事。爭
畫放翁看。

樵者觀棋

伐木深山裏。棋聲出樹端。箇中真有味。壁上試尋

觀路轉峰迴。曲猿啼鳥影寒。松枰看客布。棗核與
飢餐。今古憑雙眼。縱橫此滿盤。務勞心自逸。神靜
境何寬。歷劫春秋換。迷人黑白看。歸來柯已爛。一
局未全完。

序馬

馬亦休炎夏。庠成製最良。圉師工護惜。廐舍占清
涼。遍踏香塵雨。能飛獵地霜。驕陽偏不耐。位置窵
何方。萬騎嘶風裏。千間築水旁。暫空新舊櫪。來繫

短長廊絕近扶犁岸相鄰睡鹿場

天閑都列駟愛物庇

恩長

秦廷返璧

誰○返○荆○山○壁○驅○車○竟○入○秦○藺○卿○初○奉○使○和○玉○賴○全○
珍○書○以○連○城○易○君○因○啟○積○陳○願○王○堅○夙○約○賜○諾○恤○
孤○臣○無○奈○中○懷○詐○難○禁○怒○目○瞋○沉○淵○違○計○玷○辱○國○
肯○留○身○短○褐○偷○藏○美○邯○鄲○去○絕○塵○得○人○真○乃○寶○失○

信笑強隣

筆陣

夢○中○神○授○筆○一○筆○一○花○生○排○陣○千○人○辟○拈○思○十○面○
橫○硯○田○無○甲○聚○紙○帳○恍○開○營○威○振○中○山○號○雄○傳○不○
律○名○三○條○赫○短○燭○五○字○破○長○城○元○白○偏○師○勝○韓○蘇○
勁○敵○精○韜○鈐○藏○腹○稿○簡○練○出○奇○兵○背○水○還○能○戰○詞○
源峽裏傾

江聲枕上聽潮頭

皓○月○滿○涼○宵○喧○呼○報○子○潮○江○頭○方○響○寂○枕○上○忽○聲○
飄○風○雨○吟○懷○壯○魚○龍○夢○境○囂○帆○檣○驚○甲○馬○樓○閣○撼○
金○焦○激○浪○千○頭○立○飛○濤○兩○耳○招○畫○寒○先○有○信○夜○語○
憶○無○聊○霧○裏○鯨○身○直○雲○中○鷁○首○驕○侵○晨○蓬○底○望○匹○
練○尚○橫○霄○

山好更宜餘積雪

如○此○嵐○光○好○時○晴○景○更○新○積○將○餘○雪○冷○畫○出○遠○山○
春○谷○口○花○微○露○峰○腰○凍○尚○皴○三○分○浮○白○碎○一○色○送○

青○勻○誰○削○巒○成○玉○并○懸○澗○瀉○銀○片○雲○來○未○去○殘○月○
幻○耶○真○是○處○螺○盤○髻○居○然○鶴○化○身○休○言○痕○易○破○鴻○
爪○悟○緣○因○

煙

草

錄

紫荊花院排律一卷完

紫荊花院排律

嘉慶庚辰孟夏
頤素堂按刊

煙草錄

長洲 褚逢椿 仙根

吳縣 顧祿 總之

煙草自萬歷末馬氏始造名曰淡肉果既而傳至九邊
物理小識

呂宋國有草名淡巴菰熏煙氣從管中入喉能令人醉
初漳州人自海外攜來莆田亦種之反多於呂宋今處
處有之不獨閩矣

姚旅露書

煙葉出自閩中邊人寒疾非此不治關外人至以匹馬
易煙一觔崇正癸未嘗嚴禁之不久因邊軍病寒無治
遂止

蚰菴瑣語

今世公卿士大夫下逮輿隸婦女無不嗜煙草者

香祖筆記

煙酒不知所自或曰僊草療百疾或曰能枯腸染疫然
驚之如市頃刻不去手閨閣佳麗亦以此爲餐香茹柏
功勝於茶味逾於酒未有知其故者

怡曝堂集

粵中有仁草治驗甚多能令人醉故亦名煙酒楊升菴

伐山集南方有蘆酒卽煙草也

地緯

圃人每灌以米汁豆泔云煙性所喜

煙花極艷麗有若海棠花花鏡云開紫白花非也

俗以採葉爲打葉以日中一二時打者良翦去蒂剔去
筋菴令黃色以三日爲期擇其不黃者再菴曝乾以竹
夾之其器若兩篩相合凡煙草頂上三葉謂之蓋露極
青翠香烈俗美其名曰醉仙桃曰賽龍涎曰擔不歸曰
胡椒紫曰辣麝曰黑於菟皆是物也

乾煙葉置衣書中可以辟蠹

煙管中餘瀝著地蛇蝎不敢近

以上耕餘小藁

食煙飢能使飽飽能使飢醒能醉醉能使醒一切抑鬱

愁悶俱可藉以消遣故亦名忘憂草

食物本草

相思草煙草名緣人一溺其香便不復能捨故也相傳

淡巴國有公主死棄之野聞草香忽甦乃共識之即煙

草也故亦名反魂香

類腋

煙草久服肺焦非患膈即吐紅或吐黃水投藥不效

花鏡

煙草其氣芳香辛辣其功當能辟瘟疫驅瘴癘散寒邪

開氣化鬱豁痰勝濕久吸肺受焦灼大耗真元令人損

壽紅沙糖甜瓜子仁可解其毒

梅谷偶筆

浦城煙品之佳者曰金絲

梅谷詩自注

閩外人相傳高麗國其妃死王哭之慟夢妃告曰冢生

一草名曰煙草采之焙乾以火然之而吸其煙則可止

悲亦忘憂之類也王如言采得遂傳其種外國有益露

余糖髮絲等名

劉廷璣在園雜志

煙草春種夏花秋日取其葉曬乾切葉如細髮草頂數
葉名蓋露 食物本草

喇嘛僧喜拾煙草口內咀齧不用煙管時時手搓少許
納鼻中蓋俗尚鼻飲也 金川瑣記

煙膏卽銅頭實煙久食成膏者和藥入油可治婦人蛀
髮癬 古今良方

鴉片一名阿片又名阿芙蓉天方國種紅鸞粟花不令
水淹頭七八月謝後刺青皮取之 本草綱目

粵中有仁曰八角草食令人醉一日烟酒 地志

烟草一名薑菸本產于閩今人多種此爲業 杭州府志

明史淡巴西南海中國名其地多草木菰猶草也或其
地產此故名萬厯間閩人得其種植之獲厚利崇禎初
以其通外置重典民猶冒死私植後釋其禁以邊軍寒
疾非此不解也自是植者益多漸流人吾地先輩誌鎮
洋者列之土產謬矣 土風錄

黃煙產自閩中盛行於松亦祇華婁青三邑行之其味

香而韻惜不易燃呼吸稍緩即已息外郡人莫解其味
諺以紅鬆通三字為食煙訣予幼時有所謂大號抖絲
抖絨者每斤價一二百文繼有頂高上高超高之別後
又易為頭印二印三印四印最貴之價至每斤二千六
百文此亦踵增一證也

明齋小識

淡巴菰產自呂宋前明始入中國初惟戍邊軍士用以
辟瘴驅寒繼而流傳漸廣近則名之為烟或作筴截竹
鏤銅以通呼吸號曰烟筒

稗史

韓慕廬宗伯嗜煙草及酒康熙戊午與余同典順天武
闈酒杯煙筒不離於手余戲問曰二者乃公熊魚之嗜
則知之矣必不得已而去二者何先慕廬俯首思之良
久答曰去酒眾為一笑後余考姚旅露書煙草產呂宋
本名淡巴菰以告慕廬慕廬時掌翰林院事教習庶吉
士乃命其門人輩賦淡巴菰歌

分廿餘話

煙草神農經不載出於明季自閩海外之呂宋國移種
中土名淡巴菰又名金絲薰見姚於露書食之之法細

切如縷灼以管而吸之令人如醉祛寒破寂風味在麴
生之外今日偉男髻女無人不嗜而予好之尤至恨題
咏者少令異卉之湮鬱也暇日斐然命筆傳之好事
瀛嶼沙空星槎翠翦耕龍罷種瑤草秋葉頻翻春絲細
吐寄與繡囊函小荷筩漫試正一點溫磨相惱纔近朱
櫻破處堪憐蕙風初裊 嬌寒戰回料峭勝檳榔爲銷
殘飽旅枕半欹熏透夢闌人悄幾縷巫雲尙在濺唾袖
餘花未忘了喚剔春燈暗榮醉抱 厲樊榭天香詞

董文友有美人喫煙詩戲和六首用煙字韻起捲珠簾
怯曉寒侍兒吹火鏡臺前朝雲暮雨尋常事又化巫山
一段煙烏絲一縷賽香荃細口櫻桃紅欲然生小妝樓
誰教得前身合是步非煙翦結同心花可憐玉脣含吐
亦嫣然分明樓上吹簫女彩鳳聲中引紫煙天生小草
醉嬋娟低暈春山髻半偏還倩檀郎輕約住祇愁紫玉
去如煙斗帳熏篝薄雪天泥郎同醉伴郎眠殷勤寄信
天台女莫種桃花只種煙彤管題殘銀管燃香奩破盡

薛濤箋更教婢學夫人慣伏侍雲翹有裊煙 西堂小草

翟進士灝字晴江咏煙草五十韻其警句云藉艾頻敲
石圍灰尙撥爐乍疑伶秉籥復效雁銜蘆墨飲三升盡
煙騰一縷孤似矛驚燄發如筆見花敷苦口成忠介焚
心異鬱紆穢驚苓草亂醉擬碧筩呼吻燥寧嫌渴唇津
漸得腴清禪參鼻觀沉漉潤隴胡幻訝吞刀竝寒能舉
口驅餐霞方孰祕厭火國非誣繞鬢霧徐結盪胸霜疊
鋪含來思渺渺策去步于于 隨園詩話

紀曉嵐相國最嗜淡巴菰筒口常用大杯晨夕弗置 洪桐
生詩自注

戲咏喫煙詩五首南部煙花本誨淫錦囊欲翦結同心
至今號作相思草應向青樓隊裏尋人言醉飽自煙生
飽者還飢醉者醒若教上古人知此可廢先王酒食經
只好驅寒出塞門如何華屋供晨昏君看萬匣高麗種
未許深宮近

至尊 高麗商人獻煙萬匣 童子煙筒奉主人 一作客

來滿座氣氤氳可憐步擔貧窮漢也向街頭買一文口
中似把末香熏手內常將字紙焚安得晉侯爲霸主介

山永勒禁煙文

良齋倦藁

陳廷翰詩石火敲光歲月徂餐霞無術問蓬壺
蔞花幾稜斜陽外禾黍蒼涼感

吳錫麒詩相思渺渺味難傳紫玉真疑魄化煙
小草蔓延愁奪稼輕雲呼吸學遊仙消寒半在
蒙衾後取醉濃于被酒前嗜好熊魚評莫定
幾人日下剩吟編

陸烜煙草三十韻異種空前古巴菰九域覃靈根繁海
外移植自漳南吳普何曾識桐君亦未探譜猶遺李珣
狀併闕稽含花鏡形初指露書名稍諳邊庭庸或賴黔
首總全耽竝筏魚鹽逐連勝桑苧參利多拋稼穡作苦
罷原蠶蒔藝渾同菜沾濡每藉泔青蔥臨夏陌紅艷照
秋潭似茗收盈屋如菲采滿籃十分勒翦剔一月廢梳
簪打綠需時再罨黃計日三曝乾便夾竹取潤合裝甌
品記金絲字香聞翠蓋談牙行各估值販客動論擔邨

落仍開市征途偶駐驂
壓牀分縷縷貯盒競
麩麩活火粘絨易斜
陽引鏡堪滇銅憐閣
麗湘管逮丁男麝散
還縈篆雲成更結曇
枯腸生別趣饒舌得
回甘味愈清茶冽功
殊中酒酣果能消塊
壘真箇緩憂悵辛辣
寧須桂調和絕勝昔
列愁潛草蝮芳辟蠹
衣蟬凍夕蘇寒互蠻
鄉敵瘴嵐久餐防灼
肺勿藥定驅痰浩劫
殘灰滅相思寸燼涵
反魂如有術衆醉不
妨貪

蘭吹馥透疎簾外絨唾津生倦榻前

嘉善羅錫祚

嚼勝

檳榔茶熟後詞緡樊榭酒醒前

秀水沈維鑄

好佐新茶

書案上絕勝諫果酒杯前

仁和車伯雅

麗草應從湘管

品長歌曾賦玉堂仙

通州胡長齡

相思卻有畱香癖噓

氣堪追食火仙

滿洲喀朗

紀蓉圃煙草聯吟摘句

陳壽祺詩未是仙人便嚼霞
一痕噴綠上窗紗最能伴
茗還消酒全欲捎風卻泥
花清簾疎簾尋不見乾荷
濕麝認都差祇應迷迭堪
相亞鴨子鑪邊寶篆斜

舒位蘭州水煙篇蘭州水煙天下無五泉所產尤絕殊

煙草錄
居民業此利三倍耕煙絕勝耕田夫有時官禁不能止
賈舶捆載行江湖鹽官酒胡各有稅此獨無吏來催租
南人食煙別其品風味乃出淡巴菰邇來兼得供賓客
千錢爭買青銅壺貯以清水及扶寸有聲隱隱相吸呼
不知嗜者作何味酸鹹之外雲模糊吁嗟世人溺所好
寧食無肉此不疎青霞一口吐深夜那知屋底炊煙孤
且勿呼龍種瑤草轉緣南畝勤春鋤

韓驥詩煙草殊方種傳來歲月新神農嘗未及埤雅載

無因一吸心堪醉連呼氣愈辛鼻端能出火口角或流
津傾跌頭頻掉迷離目半瞋篆香縈肺腑曲突借喉唇
石馬名偏重金絲切復勻栽培盈野徑市鬻卽比鄰習
俗人爭嗜沉酣日更親長筒時在手佩燧不離身敗筆
聊承乏殘書敢避秦孤邨風雨夕旅客雪霜辰禦雪知
微益驅寒若有神熏蒸多酷烈何似酒醪醇

朱昂天香詞閩島香苗蠻荒翠卉移來遍種瑤圃小貯
筠箱初停海舶巧製謾抽金縷輕寒薄醉恁解釋相思

意緒殘夢沉吟倚枕雙鬟點燈低語 修廊幾回覓句
試牙筩隔簾花霧記否繡囊閒展玉纖拈取隱約朱唇
啓處看一朵巫雲暗飛去茗椀纔收蘭膏細吐

閨秀張蘩沁園春詞竹影搖窗瓶花落案書景依然奈
春困難支宿醒未解鳳團初熟獸炭猶燃漫檢湘囊笑
拈銀管金屑氎氎素指傳湘簾外裊雲煙一縷繚繞花
前 闌干徙倚俄延漸粉腕嬌凭小婢肩任寶鴨香消
嬾添蘭麝雲鬢斜墮慵整珠鈿半晌曹騰片時掩冉一

枕邯鄲別有天還堪戀怕柔腸乍冷願與流連

潘奕雋菩薩蠻詩餘何人種出相思草依人欲化情絲
裊賦到淡芭蕉繙書故事無 香銷吟未就春困鍼停
繡合伴一甌茶輕勻泛乳花

錢唐沈吉堂煙草賦原夫赭鞭鳴地陽燧窺天火化伊
始嘗草何年不酒而得醉不葬而流涎蜃無氣而噴霧
獅非吼而含烟腹枵待飼唇燥思泉恍噓氣以成雲旣
非龍窟忽出潛而吹沫豈是魚淵無貴賤以同嗜竟寢

食之難捐亦明知嚼然而無味乃莫不煬之而當前問
何聲而何臭徒半吐而半咽當其種來海島產自南夷
幡幡似菜翼翼分陂槁葉乍振陳芟去滋引之則金絲
裊縷揉之而玉屑紛披性似同乎薑桂味實反乎甘飴
茗椀罷嘗肘後之清風乍歇金樽頻倒掌中之香氣初
離于是幾聲碎玉數點流光逗出一星榆火引來半炷
沈香含以華池藐若土囊之滃鬱入乎修吭杳如香徑
之迷藏其始出而聚也柔蠶春浴而蠕動其少遲而散

也柳絲風冒而飛揚小炷則颺起青蘋之末滿引而香
浮寶鼎之旁況夫采蘄艾陽雜以三年之葉紉蘭湘浦
挹茲九畹之芳惟見風雲吐納烟靄翱翔者乎爾其嘗
餐日久製器精多貯以鞞帶盛來紫荷繡囊共蔗蘭同
佩玉壺與觴礪相摩湘管一枝窈媿蒼梧之修節滇金
數寸精瑩烏槩之文柯洪纖中度修短殊科偕鍊如意
而指畫代筇竹杖而婆娑直吹不孔之簫處處仙人握
管倒把無綸之竹人人漁父臨波則有窗紗掩冉淨几

清幽文魔俊士詩癖名流含毫未吐擷藻將抽步閒階
而岑寂繞芳砌以搜求叩鉢聲中一絲微颺呼童至止
半晌輕浮是可謂思入風雲之候神來飛舞之秋也已
乃至閨中風暖樓上春深金爐欲燼繡線無心粉頰斜
托朱檻頻臨情隨望遠夢帶愁尋猩唇半吐瓠齒微馨
順薰風而藉草襲芳靄之盈襟立疑霧障望杳雲林其
氣微是心香初透其紋細是思繭纔任不覺對影而神
魂入定不言而齒頰俱侵也矣至於殘更孤館欹枕清

宵人聲乍悄月色才邀燈花共落香篆初銷措寒灰而
如失撫清簟以無聊聲欬一聲唾壺欲碎網縷幾縷沈
水先焦遂使栩栩迷香潛引香中之粉蝶悠悠迴頰微
熏頰上之紅潮俄而雙眸乍展一夢方驚漱齒少回甘
之味調唇留隔宿之醒不有楷柎之火蘭蕙之莖何以
使魂遽甦神遽清夫是以如飢呼癸似渴呼庚入市閒
游憇處俱堪乞火留賓初獻座閒時傍殘檠下至孩童
走卒負販老兵具有公好莫能忘情嗟平腸非布而火

浣幾似口非突而墨黔時形嘗之者祇覺管管嗜之者
不解惺惺信煎膏兮足鑿固焚齒兮可銘漫趨炎而欲
附若逐熱而未停常昏昏兮墮雲霧每烈烈兮炊香馨
念托契兮備嘗辛苦欲絕交而深費丁寧是用媿酒而
作誥爰且配茶而爲經

煙草錄

附錄煙筒雜著

吳縣 顧 祿 鍊卿

王蘭皋煙筒贊曰虛乃心砥乃節性溫存氣芳烈靄五
色之流霞侶靈仙以吞煙

韋君繡客荆溪聞雪香大令屬和煙筒詩原韻八絕云
情天別種相思草酒後茶前睡起時一管玲瓏常在手
教人那得不相思玉臺明鏡曉妝纔倦倚薰籠夢乍回
雞舌滿爐風不定和煙蕩出繡簾來金玉兩頭裝束好

中間恰稱配林於敲來夜半和譙鼓伴我青燈獨著書
吹將蘭氣碧環連開遍心香竝蒂蓮紫玉仙魂銷未盡
人間莫恨已成煙女伴相攜鬪草來荷囊纔掩又重開
紅羅複帳春雲熱寄語春風莫暗催一縷氤氳似吐綿
不憂紈扇共相捐贈君行篋陪琴劍抵得珊瑚七寶鞭
寫韻拈詩往復頻閒開口更相親願身也作瀟湘竹
常近春纖傍玉人一尺筠筒臥枕傍銀籤仔細熨芬芳
何人煮得蘭膏膩笑說橫陳別有香

泚溪居士咏煙筒詩六首云荆湘竹子蜀滇銅巧斲精
鎔匠製工肯以虛心安冷淡畱將直節示圓融橫陳瑤
席霞光起倦倚蘭闥麝氣通酒醖茶鐺成素侶幾番石
火借微紅織質盈盈數握長一時流播滿江鄉多情愛
接櫻桃口噓氣閒熏冰雪腸性到老來知愈辣味從回
處有餘香詩翁夜半吟脾澀許爾相依近象牀不雜薰
蕕氣味清靈犀一點最通明妙傳噀喻仙人訣善遣蕭
閒逸客情人握儼同斑管樣頻吹不作洞簫聲咀含味

到津津處直似流涎向翹生曾是虛中特達材奚童隻
手欸攜來模稜未免因人熱到底何妨剝却灰月夕花
期時把握旗亭幔壁也追陪尋常挂齒初無礙玉箸牙
籌莫見猜薄霧輕雲冉冉吹朋儕聚處每交枝原知通
塞無常局不信炎涼只片時蠻嶺曉鞍消瘴氣蕉窗夜
檠佐文思淡芭菰已知名久燃熄憑渠獨主持羅胸芳
鏤壓旃檀夏辟炎蒸冬辟寒綺陌春游隨馬策釣磯閒
坐誤漁竿蟠金爭繡檳榔盒鑿錫空雕鴉片盤那似此

君瀟灑甚氤氳時傍五雲端

徐少鶴咏煙筒七排詩云天畱美箭豁羣蒙滌蕩塵襟
仗汝功味領清虛資導引垢除滓穢藉消融餐霞宛若
吞丹篆吸露曾殊勸碧筒自受刪裁斑竹老祇愁索取
錦囊空醉心已覺濃於酒吐氣頻驚渴似虹乘興咀含
添供養得閒把握任磨礮靈根豈或因茅塞銅疾何妨
借火攻津轉春疑吹欲暖心灰候訝管潛通終朝覓句
頤方解晚歲耽書味與同鼻飲未堪珍類玉水沈翻恨

臭遺銅噓枯潤合華泉漱幻態紛看宿霧濛茗椀藥爐
收拾盡一枝長愛伴湘東

番禺李蓮石塞烟筩賦李子晨坐展讀未已客有子虛
冠服綺靡雅嗜啖煙攜筩甚美客笑指曰此其費不知
凡幾庶不貽主人恥也君能賦之乎李子曰諾濡筆伸
紙沈吟而作曰邊陲之地卑濕之墟農有園圃種煙如
蔬摘葉取嫩曬日待枯不分小大盡去根株于壘萬壘
切細切麤香入芳蘭味甚苦茶非有藉于飽暖直以待

乎吹噓爰製小筒圓而不方丈有所短尺有所長爾腹
則堅我鐵則剛再鑽而入一孔有光長嘴上嵌曲斗下
鑲於是弄煙如丸按指而藏就燈取火入口聞香呵成
雲霧直繞肺腸飄飄乎似欲鶴化而丁遽遽然似欲蝶
夢而莊遂令炙輠者隱其辯譚天者斂其狂才人之筆
暫擱武士之弓不張公子瑤琴罷操美人玉尺停墨賦
未終客迺請曰君豈賦斯筩耶而亦知其有異於人耶
李子熟視之誠當世所謂至珍也因手持離座涎出思

唾亟命小鬟灼煙來前始細意以吸取繼努力於喉咽
面勃勃而變赤眼睜睜而欲圓竟一竅之未達徒七尺
以昂然猶自黃金其末翠玉其巔絡繹囊而寶嵌綰銀
線而珠穿榦非竹而非木巧更雕而更鑄或庸耳與俗
目令鍾愛而取憐不適於用何值一錢棄而擲之吾無
取焉客曰嘻君迂哉何所見之不大耶夫天下名存實
亡污中炫外得近人情便逢時會凡物類然於煙筒乎
何害也彼夫折足覆餗何金鉉黃耳之陸離斷軸脫輻

何龍旗翠羽之交垂乎使必求諸實用則登車調鼎者
奚爲故物惡其陋人侈其豐苟可致飾於外何必有美
在中以之視我則貴以之媚人則工不觀夫鬻官輕而
綴玉鏡惡重而鑄銅築雕欄而易折修瓊磚以無功乃
不茲之爲怪而徒咎夫煙筒李子聞言謂客辯士大言
欺世強詞奪理客笑而退成賦如此

案蘭州五泉產水煙居民耕種獲倍利煙田無稅其
煙有白條黃條諸名曰嗜法製小銅壺狀象雀葫蘆
等式腹貯水實煙於壺背之管撮火吸之作隱隱聲
其壺約高二寸許吸管自四五寸至三四尺不等今
戲園茶肆廣場名勝遊手以裝煙媚客爲餬口計者
徧地有之不獨吳中然也聞煙中有砒以解水濕然
久嗜之其毒入腦鼻中滴血亦最傷脇絡以喉間呼
吸傷氣故也

外洋鴉片天方國紅鸞粟花熬膏成之色黑而潤嗜者最盛於粵今士宦中多耽此弗釋者至娼家客寓無不設此以餌客然嗜好成癖受害甚烈向友人爲余述鴉片之美謂氣芬味甜矮榻短檠筠簟銀盒對臥遞吸始則精神煥發頭目清利繼之胸膈頓開興致倍濃久之骨節欲酥雙眸倦豁維時拂枕高眠萬念俱寂但覺夢境迷離神魂馳蕩真極樂世界也潮煙不知始於何人潮州所產聞販煙者云性燥無

油大略如浦城金絲色黑不潤今嗜之者率皆販夫牧子截竹作管實煙於管底一口一吸與旱煙嗜法迥異

東洋煙產長崎島中其味柔性燥色黃無油久嗜可治肝胃氣其管約尺許實煙處狀如銅鈕之半煙具如瘍醫藥箱下雨屨貯煙上置炭爐左設灰缸器至精也間有以綠皮爲之每值金壹筋

黃煙產自閩中盛行于松亦祇華青婁邑行之其味

香而韻惜不易燃呼吸稍緩卽已息外郡人莫解其
味諺以紅鬆通三字爲食煙訣其始有所謂大號抖
絲抖絨者每觔價一二百文繼有頂高上高超高之
別後又易爲頭印二印三印四印最貴之價至每觔
一千六百文此亦踵增之一証也

御舟名見恭紀

御舟召見恭紀

吳昶顧祿總之輯

康熙三十八年春二月

上臨視河工巡行江浙措紳士民獻詩

上皆留覽四月朔日

上自浙回鑾舉人

臣

吳廷楨以冒籍斥革時從獻詩稱

旨上問吳中人材

臣

廷楨以舉人

臣

張大受貢生

臣

顧

嗣立對翼曰

特旨復廷楨舉人且

命近侍問張顧二臣者再初四日

車駕自蘇北發

臣嗣立同

臣大受至射竇跪送道旁

上問知爲二臣

命侍衛臣海青召至漿舡並

御舟俯伏

上顧謂侍臣曰此二人乃蘇州名士也

臣嗣立恭進

萬壽聖德詩一千字又絕句十首

上讀至四海會生沾雨露

天心獨眷在東南之句顧

首久之因

問及家世對曰先臣顧予咸係順治三年進士歷官吏

部考功司員外郎臣兄顧用霖康熙十八年進士

官禮部儀制司主事

上又問汝是舉人否對曰臣是丙子科副榜貢生因進

元百家詩九卷奏曰此是元朝一代之詩向無刻

本臣以甲乙次序分編留心數年始得成書復進

韓愈詩集注十一卷奏曰此集悉照李漢所編後

以集外詩附焉

上心甚悅手加繙閱

命十三皇子將所進書一一收藏又取臣大受冊頁細

閱畢

顧見廷楨扶父在岸卽

命同上槩舡三臣列跪

御前聖容和霽問曰汝等俱是讀書人朕觀蘇州民風

比前大不相同何也三臣齊對曰

皇上視民如傷所以見得不同然

聖慮及此百姓之福也

上又問汝等時文所師何人嗣立對曰臣等俱師韓菼

上大喜曰韓菼時文從古所無也隨

命內侍出餅果一筐分賜三臣

上顧給事臣宋駿業贊善臣宋大業云張大受顧嗣立

多是有名的汝可認識否回奏曰俱認識是極有

名的

上卽命駿業大業送臣嗣立及臣大受歸臣廷楨着送
駕至丹陽三臣稽首謝 恩回視射瀆已過五里餘矣

臣嗣立竊念

聖天子文明日盛萬古爲昭

翠華南幸屢頒曠典凡所以陶成士類鼓勵人材者至

矣乃愚賤如臣嗣立亦獲仰蒙

顧問親覲

天顏揣分逾涯何以臻此歸而濡筆紀事雖詞語淺近

不足恭紀

聖恩萬一然據事直書庶幾流傳久遠以備

盛世美談云丙子科副榜貢生臣顧嗣立謹撰

問俗巡方紀勝遊江南

厯念有名流

御舟並召張思曼水驛爭呼顧虎頭 著作當年已等

身草茅傳布更無倫石渠天祿何曾到先把才

名

問侍臣

恩榮片刻洵堪誇閱歷清華歲月賒閣號潮生園秀野

何人重訪著書家

右七絕三首敬題俠君前輩紀 恩訛後後

學范來宗時年七十有九

芭孫
在

高宗朝以諸生

召試拜

恩後于俠君先生者八十餘年而所遇略相彷彿然先生仕不遂著書甚具至今讀其書想見其爲人而

芭孫
情學自隳仰孤

際會每過息園登妙巖臺尋竹垞匠門諸公觴詠處媿
慨交集今者摩挲是冊不勝先進後進之感也

同里後學王芑孫謹觀

東吳爲聲名文物之邦

累朝

御蹕南巡留心問俗此顧秀野太史紀述

召見

恩遇之冊其當時進呈元百家詩以及韓詩李漢編本

皆世所不可無之書列于四部

星衍

曾撰春秋長

編並孔子集語等數種擬呈

乙覽屢未果行異時恭繕成帙或值

聖駕南巡負謁道旁得蒙

睿賞亦微臣仰報

知遇之一端庶比之前輩自解虛生之媿耳

丙子年十二月朔日孫星衍記于虎邱孫子

祠

敬觀

顧秀野先生紀恩冊恭遇

仁廟時巡駐蹕而咨名士親沐

先皇口詔停舟而訪鉅儒因吳少微之獻言與張燕國
而同名

聖顏有懌

天問倍詳觀民俗之不同詢師承之有自韓吏部之文
章亦邀

睿賞宋侍臣之間見得荷

恩褒 先生對皆稱

旨奏復獻書元詩百家可補藝文之軼韓集一卷猶爲

李漢之編

幾餘覽觀

晝接忘倦回舟射瀆已逾五里而遙珥筆蓬瀛預應八
磚之兆歷觀玉堂清話與夫金坡遺事從未有以
桓榮稽古之力乃在方朔上書之年如 先生者

也 先生遭逢

盛際紀述

隆恩誌當日之

綸言為後來之墨寶其曾孫達樽守茲四葉乞余一言

此潘岳之述其家風迺陸機之承其舊德惟期范

祖禹數世不忘唐鑑之名試觀漢章帝四巡合上

崔駟之頌

嘉慶戊寅清和月後學錢棫謹識

吾家俠君先生與張吳兩先生俱于未仕時仰荷
仁廟垂詢且以名士獎之并慮及吳會民風此一舉也
即可見

聖人愛民之切好士之殷後三先生偕入玉堂並有著
述傳後亦足以上酬

睿賞而蒞忝列清班且以文字見知于

聖主顧年未衰而病不能供職跼伏鄉里筆墨並廢
對此能無愧乎伏念我

朝

聖

聖相傳仁心布濩隨處可見此冊不特爲故家世守亦史館所宜錄也用書于後以俟來者

戊寅年五月二十四日辛酉族後學蕤謹跋

敬題

秀野先生恭紀

召見遺冊三絕句

軒皇問俗訪遺賢名士承

恩御舫邊未到承明簪筆日先書奇遇冷金牋同時被詔尚儒巾著作當年各等身都是韓門高弟子

玉音褒許讀書人冊帙留遺翰墨香子孫鄉里有榮光

爲言藝苑勤稽古

聖代登崇在俊良 長沙後學唐仲冕撰

